

## TIÄĐÁTTÁS IVE 2014 EUROPARLAMENTVAALJÄIN

Euroop parlament jesânij vaaljâi (europarlamentvaaljâh) vaaljâpeivi Suomâst lii 25.5.2014. Euroop parlameentân väljejuvvojev Suomâst 13 jesânid. Siämmáá europarlamentvaaljâin kihheen ij uázú jienâstid eenâb ko oovtâ Euroop union jeessânstaatâst.

Suomâ aalmugjesânij lii jienâvuogâdvuotâ Suomâ europarlamentvaaljâin. Lasseen Euroop union jeessânstaatâ aalmugjeessân merkkejuvvo europarlamentvaaljâin jienâvuogâdvuodâlâžžân Suomâ jienâvuogâdvuotârekisterân, jis sun áásá Suomâst já almoot majemustáá 6.3.2014 ovdil tijme 16 maistraatân, ete sun haalijd kevttiđ jienâvuogâdvuodâs tuše Suomâst jienâstmáin tääbbin asâttum iävtukkâs. Aalmugregisterkuávdáš almoot päikkistaatâ virgeomâhâžžân, jis eres jeessânstaatâ aalmugjeessân almottât jienâvuogâdvuodâregisterân Suomâst. Talle tiäđuh váldojeh meddâl päikkistaatâ vaaljâluvättâlmist.

Maistraateh vuolgâtteh majemustáá 2.5.2014 puohháid Suomâ europarlamentvaaljâin jienâvuogâdvuodârekisterân valdum ulmuid almottâs jienâvuogâdvuodâst (almottâskorttâ).

Jis halijdah asâttuđ iävtukkâssân tain europarlamentvaaljâin, Tun koolgâh váldid ohtâvuodâ Suomâst tuáimee poolitlâš piäláduvváid teikâ, jis jieh haalijd piäláduv iävtukkâssân, haahâđ 2000 jienâvuogâdvuodâlii ulmuu torjuu iävtukkâsvuotân. Lasetiäđuid iävtukkâssân asâttuumist addel Helsingin vaalipiirilautakunta, C/O Oikeusministeriö, PL 25, 00023 VALTIONEUVOSTO.